



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**ODLUKA**  
**O PEČATIMA I ŽIGOVIMA GRADA SARAJEVA**  
**(prijedlog)**

***Predlagač:** Gradonačelnik Grada Sarajeva*  
***Obrađivač:** Gradska služba za opću upravu i zajedničke poslove*

**Sarajevo, juli 2020. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH”, br. 49/06 i 51/09) i člana 6., a u vezi sa članom 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) Gradsko vijeće Grada Sarajeva na sjednici od \_\_. \_\_. 2020. godine, donosi:

(prijedlog)

## **ODLUKA**

### **O PEČATIMA I ŽIGOVIMA GRADA SARAJEVA**

#### **I OPĆE ODREDBE**

##### **Član 1.**

(Predmet Odluke)

- (1) Ovom Odlukom reguliše se statusni značaj pečata, suhog pečata i žiga za otisak u vosku Grada Sarajeva (u daljem tekstu: Grada), utvrđuje se pravo na posjedovanje i korištenje istih, određuje se njihov oblik, veličina i sadržaj, te se uređuju pitanja: izrade, upotreba, čuvanje, evidencije kao i druga pitanja u vezi pečata, suhog pečata i žiga za otisak u vosku Grada.
- (2) U daljem tekstu ove Odluke, kao zajednički naziv za pečat, suhi pečat i žiga za otisak u vosku koristit će se izraz: Pečat)

##### **Član 2.**

(Statusni značaj pečata Grada Sarajeva)

- (1) Pečatom se potvrđuje autentičnost akata koje u okviru svojih nadležnosti donose organi i službe Grada.
- (2) Suhim pečatom se potvrđuje autentičnosti nagrada i priznanja koje dodjeljuju organi Grad.
- (3) Žig za otisak u vosku potvrđuje autentičnosti akata i dokumenata koji se donese povodom svečanih prilika.
- (4) Pečat se stavlja lijevo pored potpisa službenog lica ovlaštenog za potpisivanje službenih akata, ako isti Zakonom ili drugim propisom nije drugačije određen.

#### **II PRAVO NA POSJEDOVANJE I KORIŠTENJE PEČATA**

##### **Član 3.**

(Pravo na pečat)

- (1) Pravo na posjedovanje i korištenje, odnosno na upotrebu pečata (u daljem tekstu: Pravo na pečat), imaju organi Grada određeni ovom Odlukom, kao i drugi organi koji to pravo steknu na osnovu odredbi ove Odluke i zakonskih propisa kojima su regulisana konkretna pravna pitanja i mogu ga koristiti samo u skladu sa tim odredbama.
- (2) Bilo koja zloupotreba prava na Pečat i samog Pečata podliježe sankcijama, u skladu sa Zakonom.

#### **Član 4.**

(Titulari prava na Pečat)

- (1) Pravo na pečat imaju sljedeći organi i službe Grada:
  1. Gradsko vijeće;
  2. Gradonačelnik;
  3. Gradske službe unutar jedinstvenog gradskog organa uprave;
- (2) U daljem tekstu ove Odluke, kao zajednički naziv za titular prava na pečat iz prethodnog stava ovog člana, koristit će se izraz : organi iz člana 4. ove Odluke.

### **III OBLIK, VELIČINA I SADRŽAJ PEČATA**

#### **Član 5.**

(Oblik i veličina pečata)

- (1) Pečat ima oblik kruga i ima prečnik 70 mm, a pečati ostalih organa i službi Grada iz člana 4. ove Odluke imaju prečnik 50 mm (veliki pečat) i 30 mm (mali pečat).
- (2) Suhi pečat ima oblik kruga i ima prečnik 60 mm.
- (3) Žig za otisak u vosku ima oblik kruga i ima prečnik 35 mm.

#### **Član 6.**

(Sadržaj pečata)

- (1) Pečat u prvom koncentričnom krugu sadrži tekst ispisan sitnijim slovima: „Bosna i Hercegovina – Federacija Bosne i Hercegovine”, u drugom koncentričnom krugu tekst: „Kanton Sarajevo – GRAD SARAJEVO”, u trećem koncentričnom krugu naziv i sjedište organa i službe Grada većim slovima i u sredini pečata je grb Grada.
- (2) Suhi pečat u prvom koncentričnom krugu sadrži tekst: „Bosna i Hercegovina – Federacija Bosne i Hercegovine”, u drugom koncentričnom krugu: „Kanton Sarajevo – GRAD SARAJEVO, u trećem koncentričnom krugu: „GRADONAČELNIK”, i u sredini pečata je grb Grada, odnosno u prvom koncentričnom krugu tekst: „Bosna i Hercegovina – Federacija Bosne i Hercegovine”, u drugom koncentričnom krugu: „Kanton Sarajevo – GRAD SARAJEVO - GRADSKO VIJEĆE”, a u sredini pečata je grb Grada.
- (3) Žig za otisak u vosku u prvom koncentričnom krugu sadrži naziv organa Grada ispisan velikim slovima (tekst: „GRADONAČELNIK – GRAD SARAJEVO”, odnosno „GRADSKO VIJEĆE – GRAD SARAJEVO” ), a u sredini žiga je grb Grada.
- (4) Tekst je ispisan latinicom i ćirilicom, na bosanskom jeziku, hrvatskom jeziku i srpskom jeziku.
- (5) Ako organi i službe Grada iz člana 4. ove Odluke imaju više pečata iz stava (1) ovog člana, iste veličine i sadržine, svaki takav primjerak mora biti označen rednim brojem.

## **IV IZRADA, UPOTREBA I ČUVANJE PEČATA**

### **Član 7.**

#### **(Izrada Pečata)**

- (1) Izrada Pečata, na osnovu zahtjeva podnesenog u skladu sa odredbama ove Odluke, odobrava se rješenjem gradonačelnika.
- (2) Gradonačelnik će rješenjem odbiti zahtjev za izradu Pečata kada ustanovi da podnosilac zahtjeva nema pravo na Pečat ili ako je zahtjev suprotan odredbama ove Odluke u pogledu sadržine, veličine i broja primjeraka pečata.
- (3) Primjerak rješenja o odobrenoj izradi pečata dostavlja se nadležnom organu unutrašnjih poslova.
- (4) Izradu Pečata vrši pečatoreznica izabrana u postupku provedenom po odredbama važećih propisa o javnim nabavkama.
- (5) O izrađenim pečatima u Gradu vodi se administrativna evidencija.
- (6) Evidencija, pored ostalog, sadrži broj i datum rješenja kojim je odobrena izrada Pečata, naziv organa i službe kome je odobrena izrada Pečata, broj izrađenih primjeraka Pečata, otisak Pečata, identifikaciju lica kojem se Pečat predaje na upotrebu i korištenje i datum predaje, podatke o nestanku i uništenju Pečata.
- (7) Evidenciju vodi Gradska služba za opću upravu i zajedničke poslove.

### **Član 8.**

#### **(Upotreba Pečata)**

- (1) Pečatom rukuje i upotrebljava ga shodno njegovoj svrsi službeno lice iz organa i službi navedenih u članu 4. ove Odluke, kojeg posebnim rješenjem ovlasti gradonačelnik.
- (2) Pečatom Gradskog vijeća Grada Sarajeva rukuje i upotrebljava ga predsjedavajući Gradskog vijeća, odnosno po njegovom ovlaštenju sekretar Gradskog vijeća Grada Sarajeva.
- (3) Pečat prečnika 70 mm, koristi se uz potpis gradonačelnika Grada Sarajeva i zamjenika gradonačelnika Grada Sarajeva.
- (4) Pečat prečnika 50 mm, označen rednim brojem 1, koristi se uz potpis gradonačelnika i zamjenika gradonačelnika.
- (5) Pečat prečnika 50 mm, označen rednim brojem 2, koristi se uz potpis sekretara organa uprave, rukovodioca Stručne službe, pomoćnika gradonačelnika i komunalnog inspektora.
- (6) Pečat prečnika 30 mm, koristi se na nalogima za plaćanje uz potpise ovlaštenih lica u Gradu Sarajevu, a čiji su potpisi deponovani u poslovnim bankama za raspolaganje sredstvima Grada Sarajeva.

### **Član 9.**

#### **(Čuvanje Pečata)**

- (1) Pečat se mora čuvati i upotrebljavati tako da se onemogući njegova zloupotreba.
- (2) O načinu čuvanja i upotrebe Pečata gradskih organa i službi navedenih u članu 4. ove Odluke, odlučuje gradonačelnik, odnosno predsjedavajući Gradskog vijeća za Pečate Gradskog vijeća Grada Sarajeva.

## **Član 10.**

(Neupotrebljivost i uništavanje Pečata)

- (1) Istrošeni i neupotrebljivi Pečat se odmah uništava o čemu se stara službeno lice ovlašteno za upotrebu i rukovanje Pečatom.
- (2) Pečat se smatra istrošenim kada se ne vidi jasan tekst na njegovom otisku.
- (3) Uništavanje istrošenih i neupotrebljivih Pečata vrši Komisija od 3 (tri) člana koju imenuje gradonačelnik.
- (4) O uništenju Pečata sačinjava se zapisnik koji sadrži mjesto i datum uništenja, broj komada pečata, otisak pečata, naziv organa i službe čiji su pečati uništeni i način uništenja.
- (5) Gumeni pečati uništavaju se spaljivanjem, a žig za otisak u vosku i suhi pečat uništavaju se mehaničkim putem tako da se u potpunosti uništi tekst pečata.

## **Član 11.**

(Nestanak Pečata)

- (1) Ovlaštena lica iz člana 8. ove Odluke su dužna odmah prijaviti nestanak Pečata nadležnom organu unutrašnjih poslova Kantona Sarajevo i nestanak oglasiti u Službenim novinama Kantona Sarajevo.
- (2) U slučaju naknadnog pronalaženja Pečata, isti se imaju uništiti na način i po postupku utvrđenom u članu 10. ove Odluke.
- (3) Novi Pečat koji se izrađuje umjesto nestalog mora biti posebno označen.

## **V PRELAZNE I ZAVRŠNE ODREDBE**

### **Član 12.**

- (1) Pečati koji su do sada bili u upotrebi, a nisu navedeni u ovoj Odluci, stavljaju se van upotrebe.
- (2) Uništenje takvih pečata izvršit će se u skladu sa uputstvom iz člana 10. ove Odluke.

### **Član 13.**

Danom stupanja na snagu ove Odluke prestaje da važi Odluka o pečatima Grada Sarajeva („Službene novine Kantona Sarajevo”, broj 20/00), kao i svi drugi provedbeni propisi vezani za ovu Odluku.

### **Član 14.**

Ova Odluka stupa na snagu narednog dana od dana objavljivanja u „Službenim novinama Kantona Sarajevo“, a primjenjivast će se od 01. septembra 2020. godine.

**PREDSJEDAVALJUĆI GRADSKOG VIJEĆA  
GRADA SARAJEVA**

**Dr. Igor Gavrić**

**Broj:  
Sarajevo, \_\_. \_\_. 2020. godine**

## **OBRAZLOŽENJE**

### **PRAVNI OSNOV**

Pravni osnov za donošenje Odluke sadržan je u člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH”, br. 49/06 i 51/09) kojim je Gradsko vijeće definisano kao organ odlučivanja i taksativno nabrojane nadležnosti Gradskog vijeća i u člana 6., a u vezi sa članom 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojima je propisan sadržaj pečata organa Grada Sarajeva, te obaveza Gradskog vijeća za donošenje akta koji će se bliže urediti pitanja izrade pečata, odobrenja za upotrebu, način vođenja evidencije, način uništavanja pečata i druga pitanja od značaja za izradu i korištenje pečata.

### **RAZLOZI DONOŠENJA**

Pečat Grada je jedan od njegovih najbitnijih simbola i obilježja. Razlozi za donošenje Odluke o pečatima i žigovima Grada Sarajeva prvenstveno leže u činjenici da rješenja koja sadrži dosadašnja važeća Odluka o pečatima koja je donesena 2000. godine, zahtijevaju određene izmjene, te da organi Grada Sarajeva, pored izrađenih pečata u skladu sa Odlukom o pečatima iz 2000. godine imaju potrebu za izradom i upotrebom suhog pečata, kao i žiga u vosku, što je praksa drugih organa uprave. Također, pojedini pečati koji su u upotrebi ne sadržavaju latiničnu i ćirilichnu oznaku naziva organa, te je potrebna izrada novih i, shodno tome, uništavanje starih pečata.

Također, uz do sada važeću Odluku o pečatima bio je predložen i više puta izmijenjen Pravilnik o načinu upotrebe pečata, a sadašnja predložena odluka sadrži sva potrebna rješenja bez obaveze i potrebe izrade provedbenog propisa.

U skladu sa gore navedenim predložena je ova Odluka.

### **FINANSIJSKA SREDSTVA**

Finansijska sredstva planirana se u budžetu Grada Sarajeva.